



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

CXXVI. Resignatio, & concessio officii Magni Magistri Militiæ Auratæ
Constantinianæ Francisco Franesio.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

professores ad succedendum ei in dicto officio habilitari obtinerent; Ipse vero Hieronymus ad eandem Urbem, ut illorum consilia huiusmodi præveneret pariter missus Nobis supplicasset, ut quo in ordinationibus, quæ in proximo, & aliis subsæcularibus electionibus Priorum Provincialium Provincia prædictæ præsertim ex prætensa habilitatione huiusmodi oriri poterant occurreretur, Constitutiones prædicti Ordinis, per quas expresse prohiberi dicitur, ne Frater Fratri secundum carnem in eodem Provincialatus, aut Prioratus officio immediate succedere valeat, omnino observari debere decerneremus; Nosque supplicem libellum Nobis super hoc porrectum ad Congregationem infra-scriptorum Cardinalium remissemus, ipsa Congregatio Cardinalium dilecto etiam filio Magistro Generali dicti Ordinis rescripsit pro omnimoda observantia Decretorum Capitulum Generalium, tam in imminente, quam in aliis in futurum peragendis electionibus.

§. 1. Cum autem sicut eadem expositio subiungebat, ut conservationi regularis disciplina in dicta Provincia per amplius consultum sit, non tantum generaliter Decretum Capitulum Generalium huiusmodi, sed insuper specialiter eorum Constitutionum, seu Ordinationum, per quas disponitur, ut non solum Fratres secundum carnem, verum etiam alii quicumque primo, & secundo consanguinitatis, vel affinitatis gradu inter se conjuncti, seu se attinentes sibi invicem in Prioratibus, sive Provincialibus, sive Conventualibus immediate succedere nequeant, observantiam in Provincia huiusmodi demandari necesse sit, attento præsertim, quod Piores Provinciales dictæ Provincia pro tempore electi ex privilegio a Sede Apostolica, ut asseritur, concessio, ante obtentam confirmationem electionis de ipsorum personis factæ, ipsam Provinciam statim gubernare incipiant, adeoque cum literæ pro tempore existentis Magistri Generalis Ordinis prædicti super confirmatione huiusmodi non nisi post duos annos a tempore secutæ electionis decursos illuc perveniant, nullum malis quæ hoc intermedio tempore ex immediatis Fratrum, vel aliorum consanguineorum, aut affinium successibus huiusmodi oriri possunt, remedium ab ipso Magistro Generali adhiberi possit, ac proinde dilectus pariter filius modernus Procurator Generalis dicti Ordinis memoratas Constitutiones, seu Ordinationes, quas, ut his malis occurratur, & regulari disciplina prospectum sit, in dicta Provincia observari, sicut præmittitur, necesse est, ex diversis Capitulis generalibus Ordinis prædicti collegerit, & in relatione sua dictis Cardinalibus super præmissis facta enunciaverit, ac recensuerit, nempe in Capitulo Vallisoletano anno 1605. celebrato, Ordinatione 45. mandatum reperiri, ut in Provinciis Indiarum dicti Ordinis, duo secundum carnem Fratres sibi invicem in Prioratibus tam Provincialibus, quam Conventualibus nullo pacto succedant, eorumque electiones contra Ordinationes huiusmodi formam factas eo ipso irritas, & nullas declarari, & decerni, ac id ipsum etiam antea in Capitulo Romano, Ordinatione 20. pro Provincia Lombardiæ Ordinis prædicti statutum fuisse, quinimo in Capitulo Veneto anno 1592. habito Ordinatione 31. pro Provincia S. Thomæ seu Apuliz Ordinis huiusmodi disponi, ut primo, & secundo consanguinitatis, vel affinitatis gradu inter se conjuncti, seu se attinentes sibi in officiis Provincialibus, vel Prioratibus non succedant, idque pariter in Capitulo Valentino anno 1596. congregato pro Provincia Fainactiæ ejusdem Ordinis demandari. Nobis propterea dictus Hieronymus humiliter supplicari fecit, ut in præmissis opportune providere, & ut infra indulgere de benignitate Apostolica dignaremur.

Preces F. Hieronymi Salxedi.

§. 2. Nos igitur ejusdem Hieronymi votis hac in re quantum cum Domino possumus favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes huiusmodi supplicationibus inclinari, de Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositorum qui dictum Procuratorem Generalem super præmissis audiverunt, consilio, enunciatis Constitutiones Capitulum generalium Ordinis supradicti in memorata Provincia Sancti Joannis Baptistæ in Regno Peruano, itaut Fratres illius tam in primo quam in secundo gradu conjuncti in officiis Priorum tam Provincialium, quam Conventualium immediate succedere nequeant, observari auctoritate Apostolica tenore præsentium mandamus; salva tamen semper in præmissis auctoritate prædictæ Congregationis Cardinalium.

§. 3. Decernentes easdem præsentis Literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis ad quos spectat, & pro tempore quodcumque spectabit, in omnibus, & per omnia inviolabiliter observari; Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores, judicari, & definiti debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus Constitutionibus, & Ordinationibus Apostolicis, ac quatenus opus sit, Provinciae S. Joannis Baptistæ, ac Ordinis, prædictorum, etiam Juramento, confirmatione Apostolica, vel quavis firmitate alia roboratis Statutis, & consuetudinibus; privilegiis quoque, Indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permanentibus, ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romæ apud S. Mariam Majorem sub Annulo Piscator. die IX. Octobris MDCXCIX., Pontificatus nostri Anno Nono.

Confirmatur resignatio facta Francisco Farnesio, suæque Familiae Successoribus Parmæ, & Placentiæ Ducibus, cum nova concessione Officii Magni Magistri Militiæ Auratæ Constantinianæ.

CXXVI.

Inn. XI. Const. ed. 1686. Feb. 26. P. 10. declarata fuit nulla alienatio Status Messerani a Duce Sabaudia facta. Et Clem. XI. Const. ed. 1720. Sep. 26. P. 20. conceditur Regi Portugalliæ, ut suscipere valeat Insignia a Patriarcha Ulyssiponen.

Dilecto Filio Nobili Viro Francisco Farnesio Parmæ, & Placentiæ Duci.

INNOCENTIUS PAPA XII.

Dat. 14. Oct. 1699. An. 9.

Dilecte Fili Nobilis Vir, Salutem, & Apostol. benedictionem.

Sincere fidei, & singularis devotionis affectus, quem erga Nos, & Sedem Apostolicam gerere

Commendatur Dux, ejusque familia.

rere comprobatis, necnon præclara, & multiplicia illustris familiae tuae Farnesiae in eadem Sedem merita nos adducunt, ut ea tibi, ac tuis futuris natis, & descendentes, aliisque ejusdem tuae Familiae Principibus libenter concedamus, per quae honorum Vobis fiat accessio, & perenne aliquod paternae nostrae in te, tuamque Familiam prædictam voluntatis extet monumentum.

Resignatio facta a Joanne Andrea ultimo Familiae Angelae Flaviae Commene.

§. 1. Cum itaque sicut dilectus filius nobilis Vir Joannes Andreas Angelus Flavius Commene Princeps Macedoniae, ac Magnus Magister Militiae Auratae Constantinianae sub titulo Sancti Georgii, & Regula S. Basilii Magni nobis nuper significavit, ipse, qui (ut asserit) Nobilis, & antiquae Familiae suae Angelae Flaviae Commene solus superstes, ac non tam liberis, quam spe illos procreandi, destitutus existit, quippe qui in protracta aetate constitutus jam reperitur, necnon parum firma, ac bellicis ærumnis fessa valetudine uritur, summopere cupiens in officio, seu munere Magni Magistri, seu perpetui Administratoris Militiae prædictae, quod longissimo tempore ab ejus Progenitoribus continua, ac non interrupta serie obtentum, & possessum fuit, dari sibi successorem prævalidum, cujus ope, ac virtute Militia præfata relevetur, & præservetur a noxiis, necnon latioribus, benedicente Domino, proficiat incrementis, ad Nobilitatem tuam egregiis naturae, gratiaeque Divinae muneribus præfulgentem mentis suae oculis provide direxerit, iuribusque sibi hac in re quovis modo competentibus, seu quae sibi competere existimaverat, utens, tibi, ac tuis successive natis, Nepotibus, & Descendentibus, aliisque Familiae tuae Farnesiae prædictae successoribus Parmæ, & Placentiae Ducibus pro tempore existentibus, officium, seu munus hujusmodi (reservato tamen desuper nostro, & dictae Sedis beneplacito) resignaverit. Hinc est, quod Nos sperantes in Domino te, cui præter generis splendorem, ac domestica majorum exempla, Catholicae Religionis tuendae Zelus, aliaque eximia, ac pio, prudentique Principe digna virtutes abunde suffragantur, Militiae prædictae, plurimum utilitatis, aspirante superni favoris auxilio allaturum esse, ac proinde felicibus ejusdem Militiae progressibus, quae (ut asseritur) diversis privilegiis, gratiis, & Indultis, a quamplurimis Romanis Pontificibus Prædecessoribus nostris insignita fuit, quantum nobis ex alto conceditur, opportune consulere, teque specialis favore gratiae prosequi volentes, tuique, ac dicti Joannis Andreae Principis, ac Magni Magistri singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a Jure, vel ab homine quavis occasione, vel causa latis, si quibus quomodolibet innotatae existunt ad effectum præsentium dumtaxat consequendum, harum serie absolventes, & absolutas fore censentes; necnon prædicti Officii, seu muneris erectionem, naturam, statum, qualitates, & circumstantias quascumque, etiam si electivum, & personale existat, aliave quolibet etiam specifica, & individua mentione, & expressione digna, præsentibus pro plene, & sufficienter expressis, ac exactissime, & accuratissime specificatis habentes, supplicationibus, tam tuo, quam ejusdem Joannis Andreae Principis, & Magni Magistri nomine Nobis super hoc humiliter porrectis inclinati eisque benigne annuentes, ac etiam Motu proprio, & ex certa scientia, & matura deliberatione nostris, deque Apostolica potestatis plenitudine, resignationem dicti Officii, seu muneris Magni Magistri, seu perpetui Administratoris Militiae Auratae Constantinianae tibi, ac tuis post te natis, Nepotibus, & Descendentibus,

Causae hujus Confirmatio.

Confirmatio precibus dicti Joannis Principis, & Francisci Ducis, necnon motu proprio facta.

aliisque familiae tuae Farnesiae supra dictae Successoribus Parmæ, & Placentiae Ducibus pro tempore existentibus a memorato Joanne Andrea Principe, & Magno Magistro factam, ut præfertur, publicumque desuper confectum Instrumentum, seu scripturas cum omnibus, & singulis in eis contentis, alias tamen licitis, & honestis, ac Apostolica Sedi prædictae, illiusque auctoritati minime adversantibus, tenore præsentium perpetuo confirmamus, & approbamus, illisque inviolabilis, & irrefragabilis Apostolica firmitatis vim, robur, & efficaciam, & validitatem adjungimus, & adjicimus, ac omnes, & singulos Juris, & facti, & solemnitate quarumcumque tam ex juris communis, & Constitutionum, Privilegiorum, & Indultorum Apostolicorum, necnon Militiae prædictae, etiam Juramento, confirmatione Apostolica, vel quavis firmitate alia roboratorum Statutorum, seu stabilimentorum quorumlibet præscripto, quam de stylo, usu, & consuetudine, etiam immemorabili, seu alias quomodolibet in similibus, etiam de necessitate observandorum, & alios quosvis etiam quantumvis formales, & substantiales, & incogitatos, & inexcogitabiles defectus, si qui in præmissis principaliter, vel accessorie, seu antecedenter, consequenter, vel concomitanter, aut alias quomodolibet intervenerint, seu intervenisse dici, censeri, prætendi, vel intelligi quomodocumque, & quandocumque possent, etiam si tales sint, ut nonnisi facta eorum specifica, & individua mentione, & expressione sanari possint, plenissime, & amplissime supplemus, & sanamus, ac penitus, & omnino tollimus, abrogamus, & abolemus.

Sanatio defectuum.

§. 2. Et nihilominus ad majorem, & abundantiore cautelam, & quatenus opus sit, ac etiam omni alio meliori modo, via, jure, & forma, quibus firmius, & validius facere possumus, tibi, ac prædictis tuis natis, Nepotibus, & Descendentibus, aliisque Familiae tuae hujusmodi Successoribus Parmæ, & Placentiae Ducibus pro tempore existentibus seu Ordine respective supradictum Officium, seu munus Magni Magistri, seu perpetui Administratoris Militiae Auratae Constantinianae præmissis, vel alias certo, quem præsentibus itidem pro expresso haberi volumus modo vacans cum omnibus, & singulis illius honoribus, juribus, præminentibus, & prerogativis solitis, & consuetis motu, scientia, deliberatione, & potestatis plenitudine paribus, harum serie perpetuo concedimus, & assignamus. Necnon vobiscum super receptionis in Fratres Milites Militiae prædictae, susceptionis habitus per eosdem gestari soliti, ac professionis per illos emitti consuetæ regularium, necnon servitiorum quorumlibet a Statutis, seu stabilimentis hujusmodi præscriptorum, ac aliarum quarumvis per eadem Statuta, seu stabilimenta, ac privilegia, & Indulta Apostolica ad obtinendum Officium, seu munus hujusmodi, illiusque Jurisdictionem, potestatem, præminentias, & prerogativas exercendum quomodolibet requisitarum qualitarum defectibus, ceterisque impedimentis quibusvis hac in re vobis quomodolibet obstantibus, & quomodocumque obstantibus, seu quae vobis obtare quovis modo prætendi, censeri, vel intelligi possent, ad præmissorum effectum, quatenus opus sit, etiam ex nunc, prout ex tunc, & contra de specialis dono gratiae dispensamus.

Item nova concessio d. Officii.

Solutio ab impedimentis.

§. 3. Mandantes propterea in virtute sanctae obedientiae, ac districtae præcipientes omnibus, & singulis memoratae Militiae Officialibus, & Ministris quocumque nomine nuncupatis, Militibus, Fratribus, & personis, ceterisque ad quos spectat, & quandocumque spectabit in fu-

Mandatam executionis.

turum, ut te statim, post te vero prædictos tuos natos Nepotes, & Descendentes, aliosque memoratæ familiæ tuæ Successores Parmæ, & Placentiæ Duces pro tempore existentes ad officium, seu munus Magni Magistri, seu perpetuo Administratoris hujusmodi, ejusque liberum exercitium juxta tenorem præsentium recipiant, & admittant, vosque recognoscant, ac vobis in omnibus, quæ ad idem Officium, seu munus pertinent, pareant, & obediant, faventque, & assistant respective.

Clausula.

§. 4. Ac decernentes ipsas præsentis literas, etiam in Cancellaria Militiæ supradictæ nunquam registrentur, nec admittantur, nihilominus, firmas, validas, & efficaces existere, & fore, suosque plenarios, & integros effectus sortiri, & obtinere, ac vobis plenissime suffragari in omnibus, & per omnia, perinde, ac si ab iis, ad quos ea res spectat unanimiter, nemineque penitus discrepante, vel contradicente admittæ, & in Cancellaria prædicta registratæ fuissent, neque ipsas præsentis literas, & in eis contenta quæcumque etiam ex eo, quod quilibet, etiam primores, seu primi cujuscumque status, gradus, Ordinis, præminentia, & dignitatis, seu alias specifica, seu individua mentione digni existant, in præmissis interesse habentes, seu habere quomodolibet prætendentes, illis non consenserint, nec ad ea vocati, citati, & auditi, neque causæ propter quas ipsæ præsentis emanaverint, adductæ, verificatæ, justificatæ fuerint, aut ex alia quacumque quantumvis justa, pia, & privilegiata causa, colore, prætextu, & capite, etiam in corpore Juris clauso, etiam enormis, enormissimæ, & totalis læsionis, ullò umquam tempore de subreptionis, vel obreptionis, aut nullitatis vitio, seu intentionis nostræ, aut interesse habentium consensus, aliove quolibet, etiam quantumvis magno, & substantiali, ac incogitato, & incogitabili, individuumque expressionem requirente defectu notari, impugnari, infringi, modificari, retractari, in controversiam vocari, aut ad terminos Juris, seu Statutorum, seu stabilimentorum, ac consuetudinum, usum, & privilegiorum dictæ Militiæ reduci, aut adversus illas apertitionis oris, restitutionis in integrum, aliudve quodcumque Juris, & facti, vel gratiæ remedium intentari, vel impetrari, seu impetrato, aut etiam motu, scientia, & potestatis plenitudine paribus concessio, vel emanato quempiam in Judicio, vel extra illud uti, seu se juvare ullo modo posse, nec eadem præsentis literas sub quibusvis similibus, vel dissimilibus gratiarum revocationibus, suspensionibus, limitationibus, aliisve contrariis dispositionibus, etiam per nos, & Romanos Pontifices Successores nostros, & Seden prædictam quovis modo, etiam per viam legis, & Constitutionis generalis, seu Statuti perpetui quodcumque faciendis unquam comprehendi, aut comprehensas censerit, sed semper ab illis exceptas, & quoties illæ emanaverint, toties in pristinum, & validissimum statum restitutas, repositas, & plenarie reintegratas, ac etiam de novo sub quacumque posteriori data per vos, vestrumve quemlibet eligenda concessas intelligi, ac ab omnibus, & singulis ad quos spectat, & pro tempore spectabit, inviolabiliter, & inconcussè observari, & adimpleri: Sicque, & non aliter in præmissis per quoscumque Judices ordinarios, & Delegatos, etiam Causarum Palatii Apostolici Auditores, ac S. R. Eccles. prædictæ Cardinales, etiam de Latere Legatos, & d. Sedis Nuntios, aliove quoslibet quacumque præmentia, & potestate fungentes, & functuros, sublata eis, & eorum cuiuslibet quavis aliter judicandi, & interpretandi facultate, & auctoritate, judicari, & definiri debere; ac irritum,

& inane, si secus super his a quoquam quavis auctoritate scienter, vel ignoranter contigerit attentari.

§. 5. Non obstantibus præmissis, ac quatenus opus sit, nostra, & Cancellariæ Apostolicæ Regula de Jure quæsito non tollendo, aliisque Constitutionibus, & Ordinationibus Apostolicis, necnon dictæ Militiæ, aliisque quibusvis, etiam Juramento, confirmatione Apostolica, vel quavis firmitate alia roboratis Statutis, & consuetudinibus, stabilimentis, usibus, & naturis, privilegiis quoque, Indultis, & Literis Apostolicis eidem Militiæ, illiusque Fratribus, & personis quibuslibet, etiam primoribus, seu primis sub quibuscumque verborum tenoribus, & formis, ac cum quibusvis, etiam derogatarum derogatoriis, aliisque efficacioribus, efficacissimis, & insolitis clausulis, ac Decretis in genere, vel in specie, etiam motu, scientia, & potestatis plenitudine paribus, & consistorialiter, & alias quomodolibet in contrarium præmissorum concessis, ac pluries, & quantumcumque vicibus confirmatis, approbatis, iteratis, & innovatis, Quibus omnibus, & singulis etiam pro illorum sufficienti derogatione, de illis, eorumque totis tenoribus specialis, specifica, expressa, & individua, ac de verbo ad verbum non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, tenores hujusmodi præsentibus pro plene, & sufficienter expressis, ac de verbo ad verbum inseritis habentes, illis alias in suo robore permanentibus ad præmissorum effectum hac vice dumtaxat specialiter, & expressè derogamus, & derogatum esse volumus, cæterisque contrariis quibuscumque.

Datum Romæ apud S. Mariam Majorem sub Annulo Pisc. die XXIV. Octob. MDCXCIX. Pontific. nostri Anno Nono.

Confirmantur quædam Decreta Dietæ Generalis Carmelitarum Congregat. Mantuanæ cum additione, & reformatione Congregat. super Discip. Reg.

CXXVII.

De Sociis hujus Congreg. pro Capitulo Gener. vid. Inn. XI. Const. ed. 1682. Jun. 12. P. 6. Et Clem. XI. Const. ed. 1711. Nov. 10. P. 11. agitur de reductione Studiorum, & graduum pro Provinciis Italiæ.

INNOCENTIUS PAPA XII.

Dat. 30. Jani.
1700. Ans. 9.

Ad futuram rei memoriam.

Alias pro parte dilectorum filiorum Fratrum Diffinitorii Generalis Congregationis Mantuanæ Ordinis Fratrum B. Mariæ de Monte Carmelo Nobis exposito, quod in Dieta generali dictæ Congregationis in hac alma Urbe anno 1697. celebrata, pro felici, prosperoque ejusdem Congregationis regimine, & gubernio; ac ad instaurandam in ea regularem observantiam, vitæque communis rationem edita fuerant octo Decreta in rotidem Capitula, seu Articulos distincta, tenoris, qui sequitur, videlicet.

Dietæ Gener.
an. 1697.

§. 1. Cum maxime dedeceat observantiam, Religiosi status fundamentum, & caput, quandoque læsum in nostra Congregatione videre, eique sub titulo privilegiorum, quæ potius abusus, etiam, ac Regulæ nostræ detrimenta comperiuntur, officere, & præcipue, quæ Communitati, & Religiosæ observantiæ instaurandæ adeo per Sacram Congregationem super disciplina regulari specialiter nobis impensæ potius obesse, quam prodesse posse videantur: Hinc

Decreta &